

www.BibleForChildren.org



योहान 14



इंका येसु, “मिमेट मीवा मनसुन कस्टमते वाटमट. पेनदापोर्रो
विस्वासम इर्रट, इंका ना पोर्रोगुडा विस्वासम इर्रट. नावा
बाबाना लोते वेल्लेन अर्रां मंतां. ओक्कला हिलाकोंटे मंचि
मत्ते, मीवाहाटीं जेगा तयार कियालय होंचंतन इंचि, नना
मीकु वेहचि मन्नेन. नना होंचि अवुन सदुरतंका, मल्लिस वासि
मीकुन ओंतन. अस्के
नना मनानगेन,
मिमेटगुडा
मंदकिट.”



नना योहानुन मीवा दादान आंदुन. येसु बोगांसता
तिप्पल्कुने, राज्येमते आनि ओप्के पियमळते
मीवातोनि दंटाते मंतन.


नना पेनदा पोल्ले आनि येसुना
बारेमते गवाइ वेहताहार्टीं



पतमोस इनना
दीबेतगा बंद
कीसि मंतन.



अस्केने नना पवित्र आत्माते निंडतन. नाक
स्वर्गमते राजगद्देपोर्रो बोरो वरोर उदिदिस
मत्तद दिसतोर.




अचोने आयाका स्वर्गमते, बूमिपोर्रो, बूमि हिळु,
समुद्रम आनि अवुने मनानव अन्निगुडा,
“राजगद्देपोर्रो उद्दनोनद आनि गोर्रे
पोरिनद, स्तुति, कंदर, महिमा आनि
बलम बस्केळताहाटीं मन्निकांटी,”
इंचि इनानद नना केंजतन.




अस्के, पेनदागटाल पवित्र सहर पूना येरुसलेम, स्वर्गमताल
हिळु रेयानद नना हूळतन. मरमिना पेडानाहाटीं, मरमिना
पेगिड बल्हा तयार आंता, अल्हा अद सहर दिस्सेक मत्ता.
पजा राजगददेतगटाल उंदि पेद्दा लेंग इल्हा केंजावाता,


“हुळाट, पेन इंदके
मनकालोरा
नड्डुम जेगा
आता. अद
ओरतोने मनंता.
ओर दाना लोकुल्क
आंतुर, अद कुददु
ओरा पेन आसि
ओरतोने मनंता.”



अस्के पेनदा दूता नाकु सक्कगा मिटकरा मनना पिस्वरता
एर हिय्यना बेरेटुन हुपिस्ता. अद बेरेड पेनदा आनि गोरे
पोरिना राजगददेताल सुरुव आसि, अद सहरता पेद्दा हरदा
नड्डुमताल पोंगसेक मनुंदु.



अद सहरते वेलगु हियालय पोळ्दु, वेडसिता अक्सरम हिल्ले,
बारित्ते पेनदा महिमाता वेल्गु अंगा कांति हींता आनि गोरें
पोरि दाना वेळसि आंद.




गोरें पोरिना पिस्वरता
पुस्तकमते बोरा पोरोलीं
अयते रासि मंतां, ओरे अद
सहरते होळिया परांतुर.
गानि अपवित्र लोकुल्क,
पापि कबाहक कियानुर
हिलाकोंटे आबद्दम
वळकानुर अद सहरते
होळिया परूर.




“अद ओरा कळकुना कांडेहकुन
उस्मंता. मोदाटा पोल्लेँ मायसोत्तां,
अदुनहार्टीं ओर्कु हामुर, दुक्काल्क,
बादां, तिप्पल्क मन्नों,” इंचि
कैजावाता.




अद सहरते वायना रोजकुने बस्केने सापनेम मन्नो.
बारित्ते अगा पेनदा आनि गोरें पोरिना राजगद्दे
मनंता. अवुना सेवाकुल्क पेनदा सेवा कियानुर.
ओर दाना मोकोम हूळंतुर.
ओरा कपालमपोर्रो पैनदा
पोरोल रासि मनंता.



पजा, हासि मत्ता सिन्नाल्कुन-पेद्दाल्कुन अंटोर्कुन
राजगददेता मुन्ने नित्तिसि मत्तदं नना हूळतन. पुस्तकाल्क
विच्चिसि मत्तां. पजा इंकुंदि पुस्तकम विच्चुमळ जर्गता, अद
पुस्तकम इत्ते पिस्वरता पुस्तकम आंद. पुस्तकाल्कुने रासि
मत्ता पोल्लेन पोर्रोटाल, हासि मत्तोर कीता
कबाह्कुन पीसि ओरा न्यायम कियमळ जर्गता.
पिस्वरता पुस्तकमते बोरा-बोरा पोरोर्लीं
अय्ते रासि मना
हिल्लेंगों, ओर्कुन
अंटोर्कुन तळमिता
सेरवुने वाटमळ
जर्गता.



पेनदा आत्मा आनि मरमिना पेगिड, “हिकके वा” इंचि वेहांता.
केंजानोरगुडा, “वा” इंचि इन्निरकांटी. दूपा आसि मत्तोर बोरे
आयिर इद पिस्वर हियना एतुन पुक्कटते उन्ना वच्चु.



पेन दुनियातोकून इच्चोन पावरम कीता गदा,
दाना वरोरे मारिनगुडा ई दुनियातोराहार्टीं
हीता. ओन नम्मना हरेक मनकल नासडेम
आयामन्नि गानि ओन्क बस्केळ्क
पिस्सना पिस्वर दोर्कना इंचि
अद अल्हा कीता.



रोम 3:23 बारित्ते अंटोर लोकुल्क पापम कीसि, पेनदाहेंदाल
दोर्कना कदरताल लक्कु आतुर.

रोम 6:23 पापि कबाहकुना कूलि इंचि मनाकु हामुर दोर्कता. गानि
पेन मनाकु मना सामि येसु किरिस्तुनहेंदाल वरम इंचि बस्केळ्क
पिस्सना पिस्वर हींता.

इब्रि 9:27 बल्हा लोकुल्क अंटोर उंदि मल्का हासि दांतुर, पजा पेन
ओरा न्यायम कींता, इंचि मुन्नेन निरनायम कीसि मंता,

इपीसि 2:8,9 पेन कुर्पा कीताहेंकेन मिमेट किरिस्तुनपोरों विस्वासम
कीतिर. मीवा विस्वासमतुन पीसि मीकु मुक्ति दोर्कता. इदंता
मीवा कय्दाल जर्गतद आयो गानि पेन हीता वरम आंदु.

इद कबाहकुनाहेंदाल दोर्कतद आयो, अदुनहार्टीं बोरे पोंगुडतनम
वेहकुना मन्नि.



रोम 10:9,10 अद बल्हा इत्ते, नीवा पिस्वरते, येसुए नावा सामि इंचि निमे तोळ्दाल ओप्कुंचि, 'ओन पेन हातोरव्टेटाल मर्रा जीवाते तेहता,' इंचि निमे नीवा मनसुनाल विस्वासम कीते, पेन नीकु मुक्ति हींता.

बारित्ते मनम मनसुनाल विस्वासम कीतोम इंचि मनाकुन पेन नीतिमंतुल्क कींता. तोळ्दाल ओप्कुत्तोम इंचि मनाकु पेन मुक्ति हींता.

योहान 3:16,17 पेन दुनियातोरकुन इच्चोन पावरम कीता गदा, दाना वरोरे मर्रिनगुडा ई दुनियातौराहाटीं हीता. ओन नम्मना हरेक मनकल नासडेम आयामन्नि गानि ओन्क बस्केळ्क पिस्सना पिस्वर दोर्कना इंचि अद अल्हा कीता.

पेन ई दुनियातोरक सिक्सा हिया वेहालय, दाना मर्रिन ई बूमिपोर्रो लोहा हिल्ले, गानि दुनियातोरकुन पिसागोटालय ओन लोहचीता.



1 योहान 5:11-13

पेन मनाकु बस्केळ्क पिस्सना पिस्वर हीता, ई पिस्वर दाना मरिनगा मंता. इदे पेनदा गवाइ आंद.

बोरयते पेनदा मरिन स्विकार कींतोर, ओनाकु ई पिसवर दोर्कता गानि बोनगा अयते पेनदा मरि हिल्लोर, ओनगा ई पिसवर हिल्ले.

पेनदापोरों विस्वास इरानोरिता! बस्केळ्क पिस्सना पिस्वर मिहगा मंता. दीन मिमेट्टु एरपाट कीम्टु इंचि नना मीकु इव पोल्लें रासा मतन.



योहान 14; 2 कुरेंति 5; पेन हुपिस्ता पोल्लें. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Aheri Gondi Bible (esg) © 2022, Wycliffe Bible
Translators, Inc. All rights reserved.

<https://www.bible.com/en-GB/bible/3417/MAT.1>

©2024 Bible for Children, Inc.

www.M1914.org

www.bibleforchildren.org

